


豹斑録

武2
36





武
36
卷



青
山
求
精
堂
藏
書
畫
之
記

弘
前
暨
官
涇
江
氏
藏
書
記

玉
指
神
聖
贊
天
地
之
化
育
拯
黎
民
之
夭
枉
於
是
乎
湯
藥
針
灸
之
方
禁
忌
咒
由
之
術
立
焉
醫
療
之
原
由
來
尚
矣
醫
職
之
設
其
在
古
也
藥
師
醫
術
是
也
令
職
原
存
焉
所
掌
可
知
也
醫
疾
令
當
世
無
傳
今
輯
選
叙
考
課
之
散
見
者
病
名
一
門
採
源
順
所
錄
療
治
之
績
其
利
博
矣
三
藏
之
方
八
處
之
穴
皆
見
稱
於
外
國
黑
川
道
祐
醫
考
謬
誤
雖
多
索
搜
殆
遍
補
其
不
足
自
我
神
國
藥
物
不
匱
延
喜
式
所
載
見
于
醫
考
今
拾
其
遺
夫
醫
者
民
命
之
所
係
古
醫
書
之
存
者
不
能
幾
許
志
士
仁
人
宜
訪
求
者
莫
此

為
在
錄

若焉姑列所聞見書目數種更附雜事於末醫事豈止於此哉不才淺學適窺豹之一斑固未定冊子已所以輒刻者以草本易失故也後日將有續錄之舉觀者勿目以成書矣

享和元年辛酉六月二十三日

御番醫師 奈須恒德

豹斑錄

奈須恒德 輯著

○醫原

大巴貴少彦名兩神

古事記大穴牟遲神到氣多之前時裸菟伏也爾八十神謂其菟云汝將爲者浴此海鹽當風吹而伏高山尾上故其菟從八十神之教而伏爾其鹽隨乾其身皮悉見風吹拆故痛苦泣伏者最後之來大穴牟遲神見其菟言何由汝泣伏荅言僕在淤岐嶋雖欲

度此地無度因故欺海和邇言吾與汝競欲討族之
多少故汝者隨其族在悉率來自此嶋至于氣多前
皆列伏度爾吾蹈其上走乍讀度於是知與吾族孰
多如此言者見欺而列伏之時吾蹈其上讀度來今
將下地時吾云汝者我見欺言竟卽伏最端和邇捕
我悉剝我衣服因此泣患者先行八十神之命以誨
告浴海鹽當風伏故爲如教者我身悉傷於是大穴
卑遲神教告其菟今急往此水門以水洗汝身卽取
其水門之蒲黃敷散而轉輾其上者汝身如本膚必

差故爲如教者其身如本也日本書紀大已貴命與
少彥名命戮力一心爲蒼生及畜產則定其療病之
方又欲攘鳥獸昆虫之災異則定其禁厭之法是以
百姓至今咸蒙恩賴古語拾遺餘言抄二神戮力一
心拯濟人民者不局人代如文德實錄載齋衡三年
十二月戊戌常陸國上言鹿嶋大洗磯前有神新降
初郡民有煮海爲鹽者夜半望海光耀屬天明日有
兩怪石見在水次高各尺許體於神造非人間石鹽
翁私異之去後一日亦有二十餘小石在向石左右

似若待坐彩色非常或形沙門唯有耳目時神憑人
云我是大奈母知少比古名命也昔造此國訖去往
東海今為濟民更復來歸神名式常陸鹿嶋郡大洗
磯前藥師菩薩明神社

○醫員

內藥司

職員令中務省內藥司正一人位正六上掌供奉藥香和
合御藥事○佑一人位從七下○令史一人位大初上○侍醫
四人位正六下掌供奉診候醫藥事○藥生十人掌搗篩

諸藥○使部十人○直丁一人此官寬平八年併典藥寮

外藥司

天武紀有外藥寮之目而令不載不知置廢在何朝也

典藥寮

職員令官內省典藥寮頭一人位從五下掌諸藥物療疾
病及藥園事○助一人位從六上○允一人位從七下○大屬
一人位從八下○少屬一人位大初上○醫師十人位從七下掌療
諸疾病及診候○醫博士一人位正七下掌諸藥及脉經

教授醫生等〇醫生四十人〇針師五人正八位下掌療
 諸疾病及補瀉〇針博士一人從七位下掌教針生等〇
 針生二十人掌學針〇按摩師二人從八位下掌療諸折
 傷〇按摩博士一人正八位下掌教按摩生等〇按摩生
 十人掌學按摩療折傷〇咒禁師二人正八位上掌咒禁
 〇咒禁博士一人從七位下掌教咒禁生〇咒禁生六人
 掌學咒禁〇藥園師二人正八位上掌知藥性色目種採
 藥園諸草及教藥園生〇藥園生六人掌學識諸藥
 〇使部二十人〇直丁二人〇藥戶〇乳戶

職原抄官內省典藥寮頭一人無權官醫道極官他人

不任之謂和氣丹波氏之外〇助權同輩五位六位任之〇允

大同輩門徒可任之歟〇屬大〇醫博士權醫道重

之近代多是五位〇女醫博士權〇養老六年〇侍

醫當道重之歟其職云半昇殿常候禁中主上出御

殿上之時待醫叅小板敷奉見龍顏故云半昇殿近

代四位五位任之〇權待醫同道五位六位任之歟

〇醫師

日本後記延歷十五年十月壬戌置典藥寮史生四

人天長三年九月河內國澁河郡荒廢閑地充典藥
 寮及內藥司各二十町七年正月戊戌近江國荒廢
 田三十七町八段空閑地二十町五段賜典藥寮
 續日本後記兼和四年七月庚寅勅以宮城北園池
 司地三十二町內荒廢地二町充典藥寮六年八月
 辛酉以東鴻臚院地二町充典藥寮為御藥園
 三代實錄貞觀四年十二月七日辛丑典藥寮置掌
 寮一員仁和二年十月十九日甲子勅以山城國乙
 訓紀伊宇治郡官田三十二町五段二百二十七步

和泉國大鳥郡官田七町攝津國嶋上嶋下河邊武
 庫菟原 部有馬郡官田五十二町八段三百十一
 步賜典藥寮為月料田
 拾芥抄典藥寮在談天門北左馬寮東

衛府諸國

職員令衛門府醫師一人○衛士府左右各一人○
 兵衛府左右各一人○太宰府二人○凡國醫師國
 別一人醫生大國十人上國八人中國六人下國四
 人

續日本記養老三年六月丙子令典藥寮乳上長天長

二年為乳師見後記左右衛士府醫師左右馬寮馬醫等始把

笏九月辛巳置衛門府醫師四年正月庚辰置授刀

舍人寮醫師一人五年六月癸卯置左右兵衛府醫

師天平四年八月定諸道節度使道別醫師一人十

二月乙酉使太宰府補壹岐對馬醫師

後記延歷十五年十月乙酉大政官准陸奧博士醫

師官位事大納言正三位紀朝臣古佐美奉勅自今

以後宜准少目弘仁三年四月己丑定鎮守府員事

醫師一員十二年十二月丙子大政官府置醫師一
人

後宮

職員令尚藥一人掌供奉醫藥之事○典藥二人掌

同尚藥○女嬬四人

祿令尚藥准從六位典藥准從八位

施藥院

職原抄施藥院使醫道四位以下任之為彼道重職

也○判官○主典

續記天平寶字元年十二月辛亥敕普為救養疾病
 及貧乏之徒以越前國墾田一百町施山階寺施藥
 院伏願因此善業永滅病苦之患共保延壽之樂
 後記天長二年十一月庚午置施藥院使司判官主
 典醫師各一人

三代錄仁和三年五月己丑勅以山城國愛宕郡鳥
 部鄉榛原村地五丁賜施藥院其四至東限德仙寺
 西限谷並公田南限內藏寮支子園並谷北限山陵
 並公田

食醫

弘安禮節興藥寮屠蘇白散慶嶺散蓬酒菖蒲酒菊
 酒並飯御之二羹等故以此寮為膳部

○醫式

醫疾令

五位以上疾患者並奏聞遣醫師為療令義

選叙考課

選叙令凡國博士醫師者並於部內取用若無者得
 於傍國通取考限叙法及準折並同郡司補任之後

無故不得輒解

考課令占候醫卜効驗多者爲方術之最凡國醫師
準効驗多少十得七以上爲上得五以上爲中得四
以下爲下注雖生徒充業而不療病者仍爲下第
續記和銅元年四月癸酉制諸國醫師等自朝遣補
者準史生例考第各從本色若取土人及傍國者依
令條靈龜元年五月丁酉大學典藥生等業未成立
妄求薦舉如是之徒自今以去不得任國博士醫師
養老五年正月甲戌詔曰文人武士國家所重醫卜

方術古今斯崇宜擢於百寮之內優游學業堪爲師
範者特加賞賜勸勵後生因賜醫術從五位上吉宜
云云神龜四年八月壬申太政官奏諸國醫師以八
考成選每國補焉選滿與替同於史生天平二年八
月辛亥大政官奏稱陰陽醫等國家要道不得廢缺
但見諸博士年齒衰老若不教授恐致絕業望仰吉
田連等七人各取弟子將令習業其時服食料亦準
大學生其生徒陰陽醫術各三人三年十一月丁未
大政官處分武官醫師先例屬式部於事不便自今

以後令兵部掌焉天平寶字元年八月己亥敕曰天文陰陽歷筭醫針等學國家所要並置公廨之田應諸生之用供給內藥司八町典藥寮十町十一月癸未敕曰頃年諸國博士醫師多非其才訖請得選非惟損政亦無益民自今以後不得更然醫生者大素甲乙脉經本草針生者索問針經明堂脉訣云云寶龜二年十二月甲戌大宰府言日向大隅薩摩及壹岐多襍鳴博士醫師一任之後終身不替所以後生之學業不進乞同朝法八年遷替以示干祿永勸後

學許之十年五月丙申太政官奏曰讓檢令條隱無大小每國置博士醫師一人天平神護二年四月二十六日格云醫師兼任更建新例云云其博士醫師兼四者學生勞於齋糲病人困於救療望請每國各置一人並以六考遷替自今以後立爲恒式奏可之後記弘仁十一年二月庚子大政官府乳長上歷六年爲限事右得宮內省解稱典藥寮解稱難波長柄登前宮御宇天皇御世大山上和藥使主福常所習乳術授始此職自斯以降子孫相承世此局此姓至

今不絕而今終身在職漸致懈怠望請簡補氏中幹
了者以六年爲限藤原冬嗣宣奉救依請同年十二
月癸巳勅置針生五人令讀新修本草經明堂經劉
涓子鬼遺方各一部兼小品集驗千金廣濟方等中
治瘡方特給月料令成其業天長七年十一月大學
典藥生年二十一以上不耐遂業者自今以後課試
自讀補五畿內並伊豆志摩飛騨佐渡隱岐淡路等
國博士醫師庶僚垂帷之操慙穿壁之勞但二十年
以下不在此限十月壬寅準明經博士賜講醫經博

士料

續後記彙和八年二月乙卯式部省言式云諸國博
士醫師解任之後各還本司令熟本業若望更任者
聽之不勞覆試其被試及第既任遭喪者服闋之後
任滿歷但不經試者不在此限省依式文喪解之所
不補他人服闋之後令遂其歷因茲醫療一年曠職
謫按式云官省判補雜色之輩遭喪解任若有才用
得聽奪情望請不待服闋特從復任者許之可其先
得試復更任者亦同此例十二年六月癸未太宰府

言弘仁六年七月二十五日格云博士醫師教授之
勞良有殊別遷代成選並以六考爲期今前壹岐醫
師外大初位下藤野勝真吉辭狀云謨按格式內番
上者以六考爲選限外番上者以八考爲選限真吉
在任之日全得六考至于叙位被賜階準據格式恐
有舛訛府加覆審非惟真吉以往之人亦尚然也望
請真吉位記換賜內位自今以後大隅薩摩日向壹
岐對馬等國嶋醫師同準此例者聽之七月丙寅大
宰府言謨按去神龜五年八月九日格云博士統三

四國一人醫師每國一人又寶龜十年六月七日格
云去閏五月二十七日奏稱博士醫師兼國者學生
勞於齋糧病人困於救療望請每國各置一人並以
六考遷替立爲恒式畫聞已訖者夫醫師無國乏任
者爲有救療之急也今筑後肥前豐前豐後等五箇
國去府之程二日以上七日以下雲山重疊途蹈艱
澁吏民之中有頓病者遙着府下營受醫師命在呼
吸且不及夕往還之間既致夭殃是則無醫師之所
致也望請國別減史生一人置醫師一人加以元來

此府有得業生四人準薩摩大隅日向壹岐對馬鳴
之例監試得業及第之輩以將宛補一切不任他人
然則巷无短折之愁國有戶口之益者救宜停減史
生以典藥學生及第者補之嘉祥元年十二月丁酉
制權任國司弁史生博士醫師秩滿不待下符直令
去任

文德實錄兼和九年正月藤原衛爲大宰大貳先此
所管九國二嶋醫師總府所自任也名實不副天俸
有費因上奏云博士執經教授之職醫師合藥療治

授業

之最也雖道有優劣然事非無緩急何者一夕之命
得方則存其生理百年之身失術則墜其天筭彼飛
鳥之葦草流香之反魂言於世路是甚急者而今府
所任置醫師等未必其人假名得位五藥非共和十
療無一驗遂使病人失望豈皇度本意乎諸至件一
色殊依朝選書奏時議容之自此始擢典藥生受業
練道者以爲管內醫師十四年秩滿歸京嘉祥三年七月辛丑制以施
藥院司未立秩限準造瓦使四年爲限

三代實錄貞觀四年三月二十日戊子詔五畿七道

諸國責醫師解由云云六年十二月若狹國言四年三月二十日格稱非受業博士醫師宜準史生責其解由然則史生已上既立其制博士醫師不入役例况復從事同於史生何獨保其檢斷望請博士醫師除受業練道之外同役公廨從之諸國亦準此八年十二月五日丙子敕鎮守府醫師以六年秩限十年十二月二十六日乙酉制令式部省年終移諸國權任國司並史生博士醫師名簿於民部省永以爲例十二年十二月二十五日壬寅制諸國非受業博士

醫師以四年爲秩限但出羽及大宰管内諸國五年爲限又諸國博士醫師受業師斷割所請公廨十分一送納本寮仁和元年三月十五日式部省言式云諸國博士醫師者春試及第並其道博士等共舉申爲受業自余爲非受業又云諸國非受業博士醫師以四年爲秩限但出羽大宰府管内五年爲限又云諸國博士醫師受業非受業兩色每年三月一日移送民部省云云

製法分兩

職制律凡合和御藥誤不如本方及題封誤者醫徒
三年贖銅六斤料理簡擇不精者杖六十贖銅六斤注日不
如本方謂分兩多少不如方法之類合成仍題封其
上注冷熱遲駛之類並寫本方俱進若誤不如本方
及封題有誤等但一事有誤醫師合徒三年料理誤
應剋削洗漬之類簡擇謂去惡留善皆須精細之類
不精者杖六十

大同式

醫官不許使家從直得異邦之藥種○醫官每朝寅

獨考自脉知日氣而後參仕君上御病之時雖經數
日醫官不許房中之事七日之內有房事者僞而參
仕則解醫官療女官等直不許問病根○醫官雖二
三位有病時不著紫之濃袍○御病之時送醫而令
御藥上之群醫有異考則雖夜中可由之不可爲醫
令色○醫官之家恣不許居遠所○分量以類聚方
可爲規不可用異法背本朝之分量者死罪○上御
藥大同方某糸某散今按以異邦某書之說加某之
藥田可注進以異邦醫書不可先本方先書本邦之

書而與邦之書可附今按之由御惱急時禁酒醫官
 之法式專可用去年之敷式○御惱急時不應召者
 解官召醫官令問大支及勿不覺悟者五位以上二
 階六位以下二十年不叙爵○醫官亦可握關○醫
 官一可忌佛事違僧尼之日不參仕○醫官莫嗜女
 字一可學達陰陽之理○醫官禁淺沓○右奉勅令
 天下大同三年五月日

延喜式

黑川道祐醫考中已錄故不載焉

○病名

病類

加之良以太木也萬比 頭風

美々之比 聾

美々太利 聾耳

米之比 清盲七卷食經凡鹿並李梅食之任身使

子清盲

智加米 近目食療經婦人任身勿食驢馬肉令子

近目

須加女 眡

多多良女 眡

比 目翳病源論目膚眼精之上有物如蠅翅是也

度利女 雀盲病源論人至暮不見物世之謂雀盲

如鳥雀瞑則無所見也

女久流女久夜末比 眩

淚奈比世 鼈

於布之 瘖癩

占度々毛利 吃

以久知 缺唇

久智由加無 喎辟病源論喎辟則言語不正

比古惠 失聲 古路々久 嘶咽 食療經食熱

臧物勿飲酢醬失声嘶咽

無須 哽咽

佐久利 噦噎

阿倍岐 喘息

之波不岐 咳嗽病源論肺寒則成也

倍止都久 太萬比 嘔吐同書胃氣逆則嘔吐

知波久 唾血極要方一緣內傷一緣積熱

与多利 津頤病源小兒多涎唾流出於頤下也

豆太美 哕吐同書小兒哺乳冷熱不調所致也

古比 喉痺同書喉裏腫塞痺痛水漿不得入也

阿比久知 齟

古之多 重舌

之多都岐 痺誕

於曾波 齟齒

波和加禮 歷齒

無之加女波 齟齒

波賀美 齟齒錄驗方齟齒睡而齒相切有聲也令

人取席下土內口中勿令知則止

称古止 齟

波井留 齟

和岐久曾一云奇人曾 胡臭病源論人腋下臭如葱豉

之氣又謂之胡臭如狐狸之氣也

阿之乃介 脚氣

比留無夜萬比 痿痺

古無良加倍利 加良須倍利 轉脚氣論由脚弱所生也

於賣阿志 古比 健

阿之奈閉 奈閉久 寒

無豆於与非 駢拇

加女波良 癥瘕

衣賀波良 痞錄驗方小兒腹病

阿太波良 之良太美 疝

加以 阿人多 虺

波良不久留 脹

知乃夜萬比 痔

之利以豆流夜末比 脫肛病源論肛門脫出也久

痢則大腸虛冷所成也

久曾比利乃夜末比 痢

知久曾 赤痢 奈女 白痢 之利於毛 下重

葛氏方下重今所謂赤白痢也言令下部疼重

之波由波利 淋病

之太天由波理 臨滴病源論小便溺瀝也

奈賀知 長血小品方婦人長血又有白血

之理波良 產後腹新選要方婦人產後腹痛取大

豆二七枚吞之一云二十七枚

曾比 陰癩針灸經治方令莖頭下向陰囊縫當頭

所著處灸其縫上七壯即有驗矣

衣也美 度岐乃介 疫

阿之岐也未比 癘

太布流 毛乃久流比 癩狂令義解癩發時臥地

無所覺也狂或自欲走或高稱聖也

古々路萬止比 失意

左加加利 酗酒

加知乃夜末比 消渴病源論渴而不小便也

岐波無夜末比 黃疽病源論身體面目爪甲及小

便盡黃之病也

之利与利久知與利古久夜末比 霍亂

衣也美 和良波也美 瘧病

布奈也毛非 苦舩

宇江不世理 癩臥

豆波理 擇色

瘡類

加佐 瘡 岐須 瘻 加佐度古露 癢 岐波

痕

加左不太 痂

倍字曾 瘰疽

知不 乳癰

通收美 瘰

賀太祔 癰病源論血結聚所生也

心美佐字 浸淫瘡病源論風熱發於肌膚也

袞瘡 胞瘡類聚國史仁壽二年瘡胞流行人民疫

死

路 癭癭

之比祔 癰病源論皮肉急腫起初如梅李漸長大

不癢不痛又不堅強者也

阿末之之 古久美 癰

布須倍 附贅 左加利布須倍 懸疣

以比保 以乎女 眈目病源論手足邊生如豆蠟

強於肉也

波太介 疥癩

錢加佐 癬

加之良乃加左 湯

加不露 禿

久路久佐 疥

於毛波々久曾 黧

字流之加不禮 漆瘡

阿世毛 熱沸瘡新錄方

加須毛 飼面

邇岐美波奈 馱鼻

久知比々 疹

之良波太 白殿病源論人面及頸皮肉色變白亦

不痛癢者也

奈萬豆波太 歷易病源論人頸及胸前自然斑點

相連不痛不癢

阿佐 痣

波々久曾 黑子

豆末波良米 代指集驗方無毒由筋骨中熱成所
生也

比美 瘰 辨色立成之毛久知

阿加加利 輝

乃以須美 肉刺病源論脚指間生如刺由著靴小
相措而所生也

知之保無 知之波久留 癩疹

加佐保路之 風癩病源論人皮膚虛為風寒所折
則起

布久流 黧

波留 腫

宇美之留 膿

宇流無 痕

佐々良久 疼

以太之 痛

加由之 癢

○療治

三藏藥方

醫學綱目疥瘡門丹溪日本三藏傳疥瘡方江子肉
 十粒半夏一大顆研末附子半枚羌蠟一枚各為末
 四味臭麝香也相和着瘡大小以紙繩子圍瘡口以藥
 泥上又用繩帛貼傅以可為度此方活人甚多松下
 見林日僧通經律論三藏者證治準繩亦載此方按
 奇效良方亦有此方不用四味臭

癰疽八穴

神應經成化九年癸巳孟冬日本國畠山殿所使副
 官人信州隱士良心言我國二百年前有兩明醫一

為和氣氏一為丹波氏此二醫專治癰疽疔毒瘰癧
 等瘡定八處灸法甚有神效

頭部二穴 諸瘡發于頭部則耳尖上周迴用禾稗

量之自左耳尖上起端右旋經右耳尖上還至起端處斷之以其稗當結喉

下至項後鰓垂之以患人手橫握其端而切去之

以其稗中央當結喉下兩端左右會于項後雙垂之以患人手橫握其兩端之末而斷之如針經一夫之法其稗端當處脊中骨上點之瘡出左者去中

骨半寸灸左出右者灸右出左右者並灸左右

手部二穴 瘡發于手部則自肩上高骨端即肩骨至

清美按鳩尾骨疑尾骨
改借字也即尾骶骨也

第三指頭爪甲端斷之以其裨當結喉下至項後
雙垂之如頭部法

腹背部二穴

自大推下至鳩尾骨端為背部自天突穴下至陰毛際為腹部兩腋亦屬

腹背 瘡發于背或腹則乳上周迴自左乳頭上起

右乳頭上還以其裨當結喉下至項後雙垂如頭

部法

足部二穴 瘡發于足部則並立兩足令相著自左

大拇指端至右大拇指端周迴自左足大拇指頭起端從足際右旋

經左右足踵右足以其裨當喉下項後雙垂如

頭部法

灸八處痛則灸到不痛不痛則灸到痛或五百壯或
七八百壯大炷灸尤妙癰疽始發而灸則不潰而自
愈已潰而灸則生肌止痛亦無再發松下見林云明
國成化九年即我文明五年此時能登國刺史阜山
義統為足利老也良心新續古今集詠河上落葉和
歌者蓋此人也

治夏月羸瘦方

萬葉集石麻呂爾吾物申夏瘦爾吉跡云物曾武奈

伎取食大伴宿称家持歌也言夏月羸瘦宜喫鱧
屠蕪

天武紀四年春正月丙午朔大學寮諸學生陰陽寮
外藥寮及舍衛墮羅女百濟王善先新羅仕丁等捧
藥及珍異等物進此蓋飲屠蕪之起也延喜式屠蕪
酒治惡氣温疫辟邪風毒氣白散歲旦以酒温服五
分一家有藥則一里無病帶是散病氣皆消若他人
有得病者便温酒服方寸七若四五日以散方寸七
水三升煮三沸服一升取汗愈度嶂散辟嶂山惡氣

若有黑霧鬱勃及西南温風皆為疫癘之候平旦以
温酒服一錢七辟諸毒氣夜冒霧行彌宜服之按屠
蕪事見江家次第本朝月令弘安禮節古事根源等
書又有膏音湯藥及齒固或云膠牙是也比者在坊間闕一本
其中載典藥頭兼安信濃方若左

屠蕪方

白朮

桔梗

山椒

防風

各一兩

肉桂

大黃

二分半

白散方

白朮

桔梗

細辛各一錢

度瘴散方

麻黃一分今去之

山椒

細辛

防風

桔梗

乾薑

白朮

肉桂各五分

蛇傷 三里灸

奈毛美草愈蛇傷又云四十以後人不灸三里多患上氣見徒然草

養生

凡食後必動控調百脉常以手摩其腹則除百病凡熱食後枕毛久成頭風令人目澁凡辛物食可食使心疼凡食上不得語語而食者常患腎背疼痛凡臥訖勿張口久成消渴及失血色不盡睡令人失氣夜臥勿覆頭得長壽凡月宿東井日可沐浴令人長生無病凡十一月十日勿沐浴凡行立坐臥勿背日月凡夢之善惡勿說也三月一日不得與婦人同處大凶五月十四日陰陽不可配偶不出三年死云醫見心方或說云五月十六日房內禁事不出三年必死有証

何以知之新布一尺此夕懸東牆上明日視之必有血切見拾芥抄

炮瘡

續紀天平七年自夏至冬天下患豌豆瘡死者多俗曰裳瘡拾芥抄載天平九年六月二十六日下諸國官府療治炮瘡方凡是疾初名赤斑瘡初發之時既以似瘡病未出前臥床或三四日瘡出之間且經三四日支體腑臟大熱如燒當出之時欲飲冷水固忍莫飲瘡又欲愈氣漸息利更熱早不療治遂成血

痢

其間或前或後無定處

其苦發病且有四種或咳或嘔逆

或吐血或鼻血此等之中則是尤忽宜知其意能勒救治之以肱中並綿能勒腹腰必令溫和使冷寒鋪設既薄元臥地上敷簣席得臥止○粥飲並前飯粟等計溫冷任意可用好之但莫食鮮魚肉及雜生菜又不得飲水潔水固戒慎及痢之時能者大蒜葱可多食苦成赤白痢者糯粉和八九沸令煎溫飲再三又糯補粳糯以湯醃食之若有下止者用五六度其勢勿春凡此病者定惡飲食必宜強嚼始從患發灸火

海松並搗鹽串若口舌難爛可用良愈之後雖經二十日強行步當風雨若有過犯霍亂必忽下利所謂勞發又魚肉者先能煎煮可食良云云○黑川道祐醫考引類聚國史云天平九年六月典藥寮勅炮瘡方傷寒後禁食又載治傷寒豌豆瘡病藥方蓋此之文也

治白禿方

白禿

大黃一杯

硫黃一大

鹽大

味噌同

麻油同

酒同

醋同

又方

貓頭灰無者鳥頭灰

竹虫屎

此二味等分男雌雞女雄雞冠血攪合先剃頭髮桃木煎湯洗痂可塗○並見紀宗直所傳醫心方第四卷末云上古奇方可愛後方假名記之

○列醫

倭漢直福因 惠日

醫考推古天皇十六年九月福因從初羅入本朝專
攻醫術○按福因本國人非新羅人也書紀云十六
年九月遣於唐國學生倭漢直福因等八人也三十
一年大唐學問者僧惠齊惠光及醫惠日福因等並
從智洗爾等來云々

訶都

書紀朱鳥元年夏四月丁丑侍醫桑村主訶都授直
廣肆以賜姓日連續記文武三年春正月癸未詔授
內藥官桑原加都直廣肆姓賜連賞勒公也校二史

以稱訶加音近蓋一人兩出也醫考以為二人一舉
其氏一書其爵而漏其名且並引續記誤矣

億仁

書紀朱鳥元年五月戊申侍醫百濟人億仁病臨死
則授直大壹仍封百戶

德自珍

木素

丁武

沙宅

萬首

吉大尚

書紀持統五年十二月己亥賜醫博士務大參德自
珍兕禁博士木素丁武沙宅萬首銀人二十兩懷風

漢大友皇子年二十三為皇太子廣延學士沙宅吉
大尚木素貴子等以為賓客○吉大尚解藥復見書
紀

法蓮

續記文武三年九月癸丑施僧法蓮豐前國野四十
町褒醫術也養老五年六月戊寅詔曰法蓮心住禪
技行居法梁尤精醫術濟治民苦善哉若人何不褒
賞其僧三等以上親賜字佐君姓

法榮

天平勝寶八歲五月丙子敕禪師法榮立性潔持戒
第一甚能看病由此請於邊地令侍醫藥太上天皇
得驗多數信重過人不用他醫云々同上

足望

神護景雲元年七月癸巳咒禁師末主望足外從五
位下同上

水通

寶龜三年四月庚午文室真人水通為典藥頭同上

狛賦

延歷四年十一月甲辰外從五位下麻呂連狹賦爲
典藥頭同上

貞嗣

後記延歷二十二年三月己亥從五位下民部少輔
藤原朝臣貞嗣爲典藥頭

廣貞

同二十四年正月聖體不豫成出雲廣貞授從五
位下以供奉御藥晝夜不怠大同三年五月甲申與
衛門佐安倍真直等選大同類聚一百卷奉進同上○

醫考以爲齟齬天皇時人非也

道雄

弘仁九年二月乙卯正五位下左中辨藤原朝臣道
雄爲典藥頭同上

諸繩

天長元年四月丁未給丹波國醫師大村省諸繩正
稅四百束充病料同上

永嗣

續後記天長十年三月庚子左衛門醫師從七位上

出雲連永嗣改連賜宿称同

廣宗 真宗

美和四年癸酉伊豫國人典藥權允物部首廣宗其弟真宗等貫附左京二條同

鴨繼

嘉祥三年正月甲午從五位下當麻真人鴨繼為越

後介侍醫加故同齋衡三年二月辛巳為典藥頭文德

錄 貞觀十五年三月壬申卒三代

東人

文德錄仁壽二年十一月巳亥紀朝臣東人為典藥頭

椿守

弘仁十一年正月紀朝臣椿守為典藥頭仁壽三年三月戊午卒年七十八工於隸書尤得其節同

名繼

齋衡三年十一月庚子侍醫正六位上門部連名繼賜姓興道宿称同貞觀二年二月乙未為醫博士三年二月巳巳為內藥正三代錄

種麻呂

三代錄貞觀元年二月辛亥以長門國醫師從八位下海部男種麻呂為採銅使

秀雄

同五年四月癸丑河內守從五位下藤原朝臣秀雄為典藥頭同上

宅貞 冬雄

同六年八月壬戌播磨國摩郡人播摩權醫師正八位上和邇部臣宅貞賜姓邇宗宿祢尾張醫師從六

位上其日連公冬雄賜姓高尾張宿祢同上

官成

同八年五月壬子醫得業生從六位上狛人野宮成進位二位以奉試及第也元慶元年正月乙亥侍醫官成外從五位下同上

御安

元慶三年六月乙酉正五位下右中辨兼行出羽守藤原朝臣保則奏言下野國權醫師大初位下下野朝臣御安等各押領國兵來從軍放云々醫考雀部

茂世以醫業從小野春風誤也

內嗣

同七年正月丙子外從五位下行典藥助物部內嗣
從五位下上同

吉田宜

日本史吉田宜鹽乘津彦命後也鹽乘彦津命往住
那守三已汶地子孫留居焉八世孫建率吉大尚弟
少尚慕化來朝世傳醫術該通文藝子孫居奈良田
村宜其裔也初為僧名惠俊文武帝喜其材藝令還

俗賜姓名言宜授務廣肆宜好學最精醫術和銅中
進叙從五位上養老中擢醫術科賜絕絲布歛神龜
初與從五位下吉智首同改賜姓吉田進田字取諸
地名田村也為醫博士天平初始使陰陽醫道天文
歷數諸博士教授弟子宜為其首尋為圖書頭進正
五位下兼典藥頭後為相摸介卒年七十子古麻呂
延歷中為內藥正侍醫至正五位下

管原峯嗣

管原峯嗣左京人本姓出雲朝臣父廣貞精醫術終

正五位下信濃權守奉平城帝敕與安倍直真等選
大同類聚方一百卷奉進奉和帝於藩邸申請
業補醫得業生奉試及第置醫符業生日此始為
左兵衛醫師天長初遷醫博士內藥佐待醫尋兼攝
津大目護博士於物部廣泉遷春宮坊主膳正兼官
如故帝孫位思龍潛之舊引待左右寵遇超人海尾
張美濃權介不之官嘉祥中為越後守以奉太后醫
藥轉播摩介與近地優異焉累遷從主位上為典藥
頭貞觀五年謝老出為攝津守退居豐島郡山莊種

藥守間不交流俗以與土師同姓改今姓峯嗣不墜
家聲處劑多効嘗與時名醫選定金蘭方又注針灸
法後進宗焉同上

管原梶成

管原梶成右京人練達醫術最善處方朝廷以其明
醫經欲令質疑義美和初為遣唐知乘船事起唐六
年歸朝海中遭風漂著南海為賊所劫掠死者數人
梶成等拒鬪甚力僅而得免護五尺鉾一枚片蓋橫
佩一柄箭一隻皆不類中國兵仗湊合破船材乘便

風還著大隅大宰府以聞下救符于府曰遣唐知乘
船事梶成等分駕一隻小船著大隅國海畔梶成等
漂入干異域萬死生言苦節誠可矜恤迨于入都依
舊慰勞量賜布綿至京師獻所得兵器十年為針博
士仁壽三年叙從五位下同

物部廣泉

物部廣泉伊豫風早郡人也後隸京師少學醫術多
閱方書為醫博士兼典藥允遷侍醫歷伊豫讚岐兼
和末累進從五位下仁壽齋衡間為次侍從改姓首

賜朝臣貞觀初累進正五位下為參河權守內藥正
侍醫如故卒年七十六廣泉醫術獨步當時又善自
攝養年老鬚眉皓白皮膚說澤體氣猶強選攝養要
訣二十卷同上

丹波雅忠

雅忠阿智主裔也世居丹波曾祖康賴賜姓丹波宿
祢以醫術著任右衛門佐兼針醫博士永觀中著醫
心方三十卷上之祖重雅一作明為典藥頭侍醫兼丹
波權守父忠明亦為典藥頭侍醫丹波介勅改姓賜

朝臣雅忠繼父祖業蚤有聲譽爲醫學得業生長元
七年奉課試已而爲典藥頭補右衛門佐永兼中兼
丹波介秩滿還京師時帝不豫進藥有效褒授從四
位下遷丹波權守兼歷中高兼王如疾王附商船牒
大宰府以厚幣求雅忠朝廷不許令大宰府報牒有
扁鵲何入雞林之雲自是世稱雅忠爲日本扁鵲寬
治二年卒初後朱雀帝患瘡典藥頭和氣相成診曰
膿水止而愈雅忠尚弱冠退謂人曰恐不可爲果崩
雅忠嘗夢有童子告曰汝曾賴康懇誠禱我我爲護

方書久矣今將災厄汝戒之雅忠驚而爲之備遂免
焚子思康爲典藥頭兼穀倉院別當重康圖書頭施
藥院使爲待醫子孫世以醫而仕同上

田達音

田氏家集仲秋釋奠講周易賦從龍云曾侍緇帷知
有分無心服藥入仙群蟠龍未得昇天使空望連山
一片雲注云誤忝藥司知非自分又文宣未說藥爲
仙根背緇帷報楮鞭老邁歸田知不脫應休職役絕
韋編○按元慶寬平間人也

管待醫

管待醫其名不傳同書奉酬傷管待醫早亡詩甬不
還雲弓絕弦醫門能事盡依然十全歲後初麟角百
疾人間是乳泉應恨君臣休合藥誰言華扁定為仙
智周於物施身少莫用交親更問天

重雅正世

續往生傳一條天皇云之時之得人於斯為盛醫方
則丹波重雅和氣正世

左近將監

東鑑建久三年七月戊寅御臺所御不例事已令本
復給御懷孕故之由醫師三條左近將監申之

良基 清成

嘉禎二年十二月二十六日除目聞書到著施藥院
使丹波良基朝臣叙正四位超越和氣清成朝臣是
將軍家御包瘡施醫術之賞也四年將軍上洛十二
月癸丑御參內明日可有下向關東之故也於一條
殿贈物繫多也行成卿真筆古今和歌集雅忠朝臣
相傳醫書等在其內十日御下向醫師良基時長等

云之上同

賴幸

寬元二年六月庚午御臺所御不例醫師賴幸○按此時有女醫博士賴行名字音訓相通蓋同人也同

忠憲 時清

同三年二月己亥大殿日來有飲水之氣又令煩御陰仍被結番醫道時長賴行忠憲以長廣長等各一日一夜可祇候之由所被仰舍也同年十月甲戌將軍御不例減氣之後醫師六人賜祿云云時清等應

召云云同

長宣

弘長三年四月庚午將軍御濱出御後女醫博士長

宣朝臣同

成田小三郎

元亨之役成田小三郎以醫術歸笠置行在遂從西巡出天皇於幽所使名和長年唱義勸王帳復之業與有力焉語在伯耆卷及船上記

高天

京師將軍譜應永二十七年將軍義持不例醫師高
天被禁獄

淨秀

國史實錄後圓融院壬戌二年十月天皇不豫坂淨
秀進藥而玉體快復詔曰淨秀方術盛矣也宜觀盛
方院叙宮內卿法印坂土佛次男也

善住

本朝遜史善住佐々木秀義十一世之後也爲人穎
利專精醫書遊其門者夥矣

明孝

歷名土代和氣明孝永正十二年九月施藥院使十
六年十月權侍醫十八年四月典藥頭○按明重子
也

明名

同書亨祿三年正月權侍醫大文三年三月施藥院
使○按明孝子也

親就

和氣親就永正二年十二月典藥頭同上○施藥院富

業子也

賴量

丹波賴量同三年十二月施藥院使丁二年九月典

藥頭同上

許儀

秀吉家譜江右人許儀近歲在薩摩業醫

王鞞南

雍州府志王鞞南墓在黑谷紫雲山金戒光明寺元
投化人而在京師好作詩文

全友

同書三折全友菴王墓在正法山妙心寺業醫術元
尾張國之人也

三喜

黑川道有醫考載其生卒年月而不錄其氏按三喜
田代氏遊學明國明於醫方余家所傳辟雷解毒本
出於其人元和寬永之時有田代三喜者蓋子若孫
而襲其先人之號者也傳其禁方

猷廟時雷震上苑衛士一人死焉一人無恙問之對

曰臣帶良藥是以免死 上奇之使獻其方後以賜
余先人法印位玄竹 右依解毒丸記奈須方基撰典藥頭橋元助跋其書 又云
三歸有子其名江春云云

○藥物

水精

本草綱目時珍曰水精有黑白二色倭國多水精

硫黃

同書又引庚辛玉冊曰石硫黃生南海琉球山中倭
流黃亦佳

虎珀

同書時珍曰出高廉倭國者色深紅有蜂蟻松枝者
尤好

川芎 甘草

武備志日本五經則重書禮而忽易詩春秋四書則
重論語學庸而惡孟子若古醫書每見必買重醫故
也藥材諸俱在川芎至難至貴者也其次甘草

紫芝

皇極之時菟田郡人押坂直將一童子遊雪上登菟

田山便見紫菌挺而生高六寸余蒲四町許及使童子採取還隣家謔言不知疑毒物於是押坂直與煮而食之大有氣味明日都不在焉因食羹無病而壽或云俗不知芝草妄言菌邪書紀

眼藥

尾張風土記海部郡莫大山云云如雀似蟬大頭瘡家用之治眼疾患爛痛

志保支草

又同上長師山有藥草號志保支草四時結花實依同郡

潮之進退花實互讓潮之進時花開退時實結其花如菊實如棗子醫家取之治胸裏疾神功也

腹痛藥

又中嶋郡不流世川出鱗有魚口貝形似蛤大能治腹痛

酒水

豐後風土記酒水出大分郡西指南下流其色如水味小酸用療痲癬

蒜

景行紀日本武尊入信濃國云々披煙凌霧既達于
峯而飢山神令苦玉以化白鹿立於王前王異之以
一箇蒜彈中眼而殺先是度信濃坂者得神多氣後
越是山者嚼蒜塗人及牛馬自不中神氣也

石鐘乳

三代錄貞觀元年十二月詔遣典藥頭從五位上出
雲朝臣峯嗣於備中國採石鐘乳和名抄引新抄本
草以之乃知出備中國英賀郡

醴泉

持統七年歲次癸巳醴泉涌於近江國益須郡都賀
山諸疾病停宿療差者眾書紀養老元年十一月詔曰
朕以今年九月到美濃行宮留連數日因覽當耆郡
多度郡美泉自盥手面皮膚如滑亦洗痛處無不除
愈在朕之身甚其驗又就而飲浴之者或白鬚及黑
或禿髮更生或暗目加明自余痼疾皆平愈續記

渤海貢藥

天平十一年十一月戊辰渤海使蒙已珍等拜朝大
虫皮羆皮各六張豹皮六張人參三十斤蜜三餅進

上同

歛冬

點着雌黃天有意歛冬誤綻暮春風江談抄大隅守
 清原為信云故親父典藥頭真人云昔中書大王為
 大納言之時詣大王第地富風流天從煙霞當青陽
 之時見黃花盛開于時大王弗闌干詠此句者其人
 於朱雀院所作也見其氣色採譽者也爰真人從容
 言歛冬和名山不々支見於本草其花冬開今以為
 山吹誤也於是中書大王感云於學者前不可言詩

矣

國產諸藥

牛黃	土佐	下總
礬石	近江	相模
	讚岐	飛彈
		若狹
金青	近江	安藝
		長門
		上野
礬石	同	
朱砂	伊勢	常陸
		備前
		日向
雄黃	同	

水銀 同

緣青 安藝

真朱 豐後

雌黃 下野

雲母 大倭 三河 陸奧

硫黃 相模 信濃 陸奧

黃礬 同 出雲

青礬 美濃

白石英 陸奧

右散見續記中

○醫書

書目

當今大平古書多出且各家所秘藏及遠地遙方有而不得聞見者斷本殘冊書名不可知者其類不可枚舉今依醫考例載錄數種若其備則非余之所當也

新抄本草 源輔仁

養生抄 同

掌中方

同

大同類聚方

出雲廣貞等

難經委開

同

治瘡記

大村福吉

攝要養訣

物部廣泉

金蘭方

管原峯嗣

藥經

和氣廣世

集注大素

小野藏根

醫學千字文

惟宗俊時

醫心方

丹波康賴

勅號記

同

醫畧抄

丹波雅忠

養生抄

大江惟時

喫茶養生記

僧正榮西

萬安方

梶原性全

順醫抄

同

福田方

釋有隣

悲田方

同

癰疽方

同

捧心方

中川某

同新增補遺

靈蘭集

細川勝元

延壽類要

竹田昌慶

直指篇

田代三喜

天文醫按

三喜齋

鴻寶抄

盛方院淨快

同續添

淨友

啟廸集

道三法印

外療新明集

鷹取秀次

外科細瀼

同

五藏次第圖

家珍方

和氣家傳藥方

典藥頭賴景秘傳條子

十全要方

文龜傳寫古藥方

梅花無盡藏

西忍流正傳

外國醫書

姓氏錄和藥使主出自吳國主照淵孫智聰也欽明御世隨使大伴佐尼比古持藥書明堂百六十卷等入朝男善那使主孝德御世依獻牛乳賜和藥使主奉度本方書一百三十卷明堂一卷藥白一云考之書紀外國醫書之來始于此時

醫書刻本

阿佐井宗瑞校刻明板醫書大全釋月舟跋云吾邦以儒釋書鏤板者往々在焉未曾及醫方也云々大永八年戊子七月吉日按是亨祿改元之歲後奈良院御世足利將軍義晴之時則知醫書版本始于此時

○雜事

救病詔

神龜五年六月詔曰夫百姓或沉染痼疾經年不愈或亦得重病晝夜辛苦朕為父母何不憐愍宜遣醫

藥於左右京四幾及六道諸國救療此類咸得安寧
依病輕重賜穀振恤所司存懷勉稱朕心焉續不食

療病鑑

白雉四年道照和尚隨使入唐遇玄奘三藏受業三
藏特愛令住同房於後歸朝三藏授一鑑子曰吾從
西域自所將未煎物養病無不神驗和尚拜謝而辭
至登州使人多病和尚出鑑子煮粥與病徒當日即
甞既解纜而去比至海中船漂蕩不進者七日七夜
小人曰龍王欲得鑑子因取鑑子拋入海中登時船

進還歸本朝

續記

神針

長德時安倍晴明謂藤原道長曰某日家當有怪至
期道長杜門謝客召鎮守府將軍源賴光醫師丹波
忠明僧正勸修及晴明會大和猷瓜道長疑而不食
晴明日瓜中有毒勸修唱咒瓜跳躍圓轉不止忠明
以針刺之瓜乃不動賴光拔刀割之中有小蛇針中
其眼刀斷其頭又云五世孫泰親善家學占候不甞
嘗雷震觸背至衣薰灼身無所損傷覺中其毒劑地

黃酒服之即日得愈日本史

懸蛇之醫

貞觀十六年八月僧正真雅抗表曰去月遭疾將不復遠陛下致以懸蛇之醫問以珥貂之使三代錄

鬼針

皇極四年四月高廉學問曾等言同學鞞作得志以虎為友學取其術或使枯山變為青山或使黃地變為白水種之奇術不可殫窮虎授其針曰慎矣慎矣勿令人知以此治之病無不愈果如所言得志恒以

其針隱置柱中於後虎折其柱走去高廉國知得志欲歸與毒殺之書紀

醫鯨

日本風土記有良醫亦知診脉探病下藥名曰骨粟里治人病愈量其貧富厚薄酬之但本國藥餌牛黃麝香以為至寶若甘草斤價三百金醫人得中國藥料為上等良醫名曰醫鯨

病三等

一目盲兩耳聾手無三指足無大拇指禿瘡無髮久

漏下重大癰瘡之類爲殘疾癱瘓侏儒短人腰背折
一支廢之類爲廢疾惡疾癩狂二支廢兩目盲類爲
篤疾見戶令

書札

右決明麻子散右其方何如可注給也藥驗不疑可
試長生久視之術也須用扁鵲之方將期松子之驗
言上如件

月日

駿河權守

右兩方可注進也但醫家之習以長生久視之方爲

秘藏之術有年來之芳恩適仰何可存疎畧哉早以
後日可注進之狀言上如件

卽刻

典藥頭

右見雲州消息書札禮會醫陰兩道大概諸大夫
同趣公私雜翰醫藥陰陽官外記同程

空海上書

兼和元年十二月傳燈大法師空海上奉日如來說
法有二種淺畧趣者如大素本草等經論病源分別
藥性陀羅尼秘法者如依方合藥服食除病若對病

人披談方經無由療病必須當病合藥依方服食乃得消除疾患保持性命續後記

生年衰日

子午生丑未

丑未子午

寅申巳亥

卯酉辰戌

辰戌卯酉

巳亥寅申

假令子年子時生人子日子時針灸忌之和氣嗣成朝臣云子午生人以丑未為衰日出拾芥抄

藥字訓

藥和名抄久酒利此藥新撰字鏡以灼反豆知波利此藥

蒜

貴類問荅舍小僧寸白更發醫家申可合服蒜之由供僧日出家之後斷酒了隨不可服五辛此事可然乎且可有御教訓歎讚言此藥禪師御房御不例尤不使候飲酒食肉服五辛者三十日苦便若為疾病藥分所須玉繙給其日限見僧尼今於藥分者今條所聽也云此藥

凡在外職分田醫師一町四段出田令其日則良診
 三條中山口傳舞樂人著座門生可被召簀子舞樂
 人參侍所之外不_レ簀子可候地下或賜部下或冷
 敷帖臨時養應也○紀傳明經醫陰陽者高球明法
 折敷

秀吉家譜丹羽長秀延年五十一平生有積聚之病

其苦之至是不勝其痛苦乃引刀自裁火葬後灰中
 檢出積聚未焦盡其為物也大如拳形如石龜其喙
 尖曲如鳥刀痕在背秀吉見之曰此是奇物也醫家
 當有之物即賜竹田法印

醫師剃髮

僧之為醫尚矣養老元年詔曰僧尼依佛道持神咒
 救病徒施湯藥而療痼疾於令聽之是也薩戒記永
 亨五年九月二十日法皇御惱急醫師員能法眼祇
 候蓋當時醫人既拜僧位也法印法眼法橋三僧之

制其所起見貞觀六年二月十六日格

唐太宗武氏二十七年正月十五日詔
 朕聞古之聖王必先慎乎德而後用刑
 德薄而刑重則民怨德厚而刑輕則民
 服朕聞古之聖王必先慎乎德而後用刑
 德薄而刑重則民怨德厚而刑輕則民
 服朕聞古之聖王必先慎乎德而後用刑
 德薄而刑重則民怨德厚而刑輕則民
 服

豹斑錄終長不報其辜苦以用尺自漢大義餘及九

